



Broj: 27-01/2-04-9961/23
Sarajevo, 12.04.2023. godine

SKUPŠTINA KANTONA SARAJEVO
-ovdje

PREDMET: Odgovor na zastupničko pitanje, dostavlja se, -
VEZA: Vaš akt broj 01-04-3621-52/23 od 22.02.2023. godine

U vezi vašeg akta, broj i datum veze, a kao odgovor na pitanje zastupnika Harisa Zahiragića u prilogu dostavljamo Informaciju Ministarstva za nauku, visoko obrazovanje i mlade Kantona Sarajevo broj 27/03-34-866-3-10/23 od 03.03.2023. godine i Zaključak Vlade Kantona Sarajevo broj 02-04-6054-18/23 od 09.03.2023. godine.

S poštovanjem.



Dostaviti:
-naslovu
-a/a

Pripremila: Belma Troilov, sekretarka





2
526
PB-1

Broj: 02-04-6054-18/23
Sarajevo, 09.03.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), a u vezi sa Zaključkom Skupštine Kantona Sarajevo, broj: 01-04-866-3/23 od 27.1.2023. godine Vlada Kantona Sarajevo, na 118. sjednici održanoj 09.03.2023. godine, donijela je

ZAKLJUČAK

1. Prihvata se Informacija Ministarstva za nauku, visoko obrazovanje i mlade Kantona Sarajevo, broj: 27/03-34-866-3-10/23 od 03.03.2023. godine.
2. Zadužuje se Univerzitet u Sarajevu da poduzme sve aktivnosti neophodne za realizaciju Zaključka Skupštine Kantona Sarajevo, broj: 01-04-866-3/23 od 27.01.2023. godine.
3. Univerzitet u Sarajevu je dužan Vladi Kantona Sarajevo putem Ministarstva za nauku, visoko obrazovanje i mlade Kantona Sarajevo dostaviti informaciju o realizaciji Zaključka Skupštine Kantona Sarajevo iz tačke 2. ovog zaključka.
4. Ovaj zaključak stupa na snagu danom donošenja.

12.03.23.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
- ④ 4. Ministarstvo za nauku, visoko obrazovanje i mlade Kantona Sarajevo,
- ⑤ 5. Univerzitet u Sarajevu (putem Ministarstva za nauku, visoko obrazovanje i mlade Kantona Sarajevo),
6. Evidencija,
7. Arhiva.

prezeta
09.3.23





Broj: 27/03-34-866-3-10/23
Sarajevo, 3.3.2023. godine

VLADA KANTONA SARAJEVO

PREDMET: Informacija, *dostavlja se*

Ministarstvo za nauku, visoko obrazovanje i mlade Kantona Sarajevo zaprimilo je akt Univerziteta u Sarajevu, broj: 0101-10490/22 od 6.10.2022. godine, u prilogu kojeg je dostavljena Odluka Senata Univerziteta, broj: 01-13-97/22 od 28.9.2022. godine kojom se u tački III navodi:

„Redovni samofinansirajući studenti koji su u određenoj studijskoj položili sve ispite iz te godine i ostvarili prosjek ocjena najmanje 8,00 te prvi put upisuju višu studijsku godinu u akademskoj 2022./2023. godini, oslobađaju se troškova školarine za nastavak studija na tom ciklusu studija, a u skladu sa odredbama važećeg Statuta.“

U navedenom aktu Univerziteta navodi se da je predmetna odluka Senata donesena cijeneći činjenicu da su studenti uvjete za oslobađanje troškova školarine sticali prema prethodno važećem Zakonu o visokom obrazovanju te da je za primjenu nove odredbe o oslobađanju troškova školarine 20% najuspješnijih studenata neophodno izraditi preciznu metodologiju primjene iste u saradnji sa nadležnim ministarstvima. Istim aktom, zatražena je saglasnost Ministarstva na ovakvu odluku Senata uvažavajući činjenicu da se odredbe Odluke Senata ne primjenjuju na isti način na svim fakultetima, kako se to navodi u aktu Univerziteta.

Postupajući po navedenom aktu Univerziteta, Ministarstvo je uputilo odgovor, broj: 27/03-34-41746-1/22 od 19.10.2022. godine u kojem je obaviješten Univerzitet u Sarajevo da shodno Zakonu o visokom obrazovanju („Službene novine Kantona Sarajevo“, broj 36/22) nema nadležnost za davanje tražene saglasnosti.

Nakon toga, Univerzitet u Sarajevu se ponovo obraća Ministarstvu za nauku, visoko obrazovanje i mlade aktom, broj: 0101-13390/22 od 9.12.2022. godine u prilogu kojeg dostavlja Tumačenje tačke III Odluke Senata Univerziteta u Sarajevu, broj: 01-13-97/22 od 28.9.2022. godine, broj: 01-19-91/22 od 30.11.2022. godine, a koje je Senat donio na osnovu zahtjeva Stomatološkog fakulteta sa stomatološkim kliničkim centrom. U pomenutom aktu Univerziteta navodi se da se dostavlja Tumačenje odluke Senata Vladi Kantona Sarajevo radi davanja saglasnosti na oslobađanje troškova školarine na način kako je to navedeno u pomenutom tumačenju, te da su sve članice Univerziteta postupile u skladu sa Odlukom Senata o oslobađanju troškova školarine izuzev Univerziteta u Sarajevu – Stomatološki fakultet sa stomatološkim kliničkim centrom.

Ministarstvo za nauku, visoko obrazovanje i mlade je uputilo Odgovor Univerzitetu za pomenuti akt, broj: 27/03-34-49683-1/22 od 20.12.2022. godine u kojem je navedeno da Ministarstvo ne može predložiti Vladi Kantona Sarajevo donošenje odluke o oslobađanju troškova školarine studenata koji u skladu sa Odlukom i Tumačenjem Senata, jer bi takvo postupanje bilo suprotno članu 31. stav (5) Zakona o visokom obrazovanju („Službene novine Kantona Sarajevo“, broj 36/22) (navedenim članom se propisuje da je oslobođen troškova školarine student koji plaća školarinu i prvi put je

upisan u tekuću godinu i koji je položio sve ispite iz tekuće školske godine i prema postignutom prosjeku iz prethodne studijske godine spada u 20% studenata sa najvišim prosjekom).

Nakon toga, u usmenoj komunikaciji sa Univerzitetom u Sarajevu utvrdili smo da je prilikom pripreme Odgovora od 20.12.2022. godine, napravljena tehnička greška u smislu pozivanja na odredbe člana 31. stav (5) koje propisuju uslove za oslobađanje troškova školarine, a ne na član 10. kojim se definiše akademska samouprava, koja između ostalog obuhvata pravo na utvrđivanje pravila studiranja i uslova upisa studenata. U svrhu iznošenja stvarnog stava Ministarstva znanosti, visoko obrazovanje i mlade, pripremljen je akt Ispravka, broj: 27/03-34-49683-2/23 od 25.1.2023. godine u kojem je navedeno da je prilikom izrade akta „Odgovor na zahtjev“ napravljena tehnička greška i to u drugom dijelu teksta prilikom pozivanja na zakonsku odredbu i datom obrazloženja po tom osnovu, te se umjesto člana 31. stav (5) navodi član 10. Zakona o visokom obrazovanju („Službene novine Kantona Sarajevo“, broj 36/22).

Sa ovim problemom na Univerzitetu u Sarajevu studenti su upoznali zastupnike Skupštine Kantona Sarajevo, kako su to zastupnici naveli u svom izlaganju. S tim u vezi, na sjednici Skupštine Kantona Sarajevo održanoj dana 27.1.2023. godine zastupnik Zahiragić Haris uputio je inicijativu kojom se zadužuje Vlada Kantona Sarajevo da putem Ministarstva za nauku, visoko obrazovanje i mlade i Univerziteta u Sarajevu, odmah i bez odlaganja, izvrši zakonsku obavezu oslobađanja/povrata školarine za studente koji su postigli odgovarajući propisani uspjeh.

Navedena inicijativa je jednoglasno prihvaćena te je u skladu sa istom, Skupština Kantona Sarajevo donijela Zaključak, broj: 01-04-866-3/23 od 27.1.2023. godine.

Napominjemo, prilikom upisa na fakultet/akademiju Univerziteta u Sarajevu, studenti potpisuju ugovor o studiranju za određeni ciklus studija u skladu sa Zakonom o visokom obrazovanju, Statutom Univerziteta i Pravilima studiranja.

Studenti koji su zaključili ugovor prije stupanja na snagu Zakona o visokom obrazovanju (do 16.9.2022. godine), a što se odnosi i na studente iz studijske 2021./2022. godine, studirali su u skladu sa uslovima propisanim Zakonom o visokom obrazovanju iz 2017. godine, Statutom i Pravilima studiranja, a kojima je definisano da redovni samofinansirajući studenti koji su u određenoj studijskoj godini položili sve ispite iz te godine i ostvarili prosjek ocjena najmanje 8,00 te prvi put upisuju višu studijsku godinu mogu biti oslobođeni troškova školarine za nastavak studija na tom ciklusu studija. Što znači da su studenti koji sami finansiraju svoj studij u prethodnoj, 2021./2022. studijskoj godini, svojim radom nastojali ostvariti propisane uslove radi prelaska u status studenata čiji se studij finansira iz Budžeta Kantona Sarajevo. Međutim, nakon završetka studijske 2021./2022. godine pri upisu u studijsku 2022./2023. godinu (**upis počeo 12.9. Zakon stupio na snagu 16.9.2023. godine**), donesen je novi Zakon o visokom obrazovanju kojim je prelazak iz jednog statusa u drugi uslovljen na drugačiji način.

Iako je ugovor o studiranju sadrži odredbu u kojoj se navodi da će se eventualne izmjene ugovora definisati aneksom ugovora, fakulteti/akademije Univerziteta to nisu uradile, nego su primijenili Odluku Senata, izuzev Stomatološkog fakulteta sa stomatološkim kliničkim centrom koji je naplatio školarinu studentima. Naime, ovaj fakultet nije oslobodio troškova studente niti po kriterijima propisanim Zakonom iz 2017. godine (u određenoj studijskoj položili sve ispite iz te godine i ostvarili prosjek ocjena najmanje 8,00 te prvi put upisuju višu studijsku godinu u akademskoj 2022./2023. godini) niti pod uslovom propisanim Zakonom iz 2022. godine (prvi put upisuju tekuću godinu i položili sve ispite i prema postignutom prosjeku iz prethodne studijske godine spadaju u 20% studenata sa najvišim prosjekom).

Uvažavajući pomenuti Zaključak Skupštine Kantona Sarajevo, Univerzitet u Sarajevu je Ministarstvu za nauku, visoko obrazovanje i mlade Kantona Sarajevo dostavio akt, broj: 0101-1530/23 od 8.2.2023. godine u prilogu kojeg su dostavljeni sljedeći akti:

- Odluka Senata Univerziteta u Sarajevu, broj: 01-13-97/22 od 28.9.2022. godine kojom se u tački III navodi: „Redovni samofinansirajući studenti koji su u određenoj studijskoj položili sve ispite iz te godine i ostvarili prosjek ocjena najmanje 8,00 te prvi put upisuju višu studijsku



godinu u akademskoj 2022./2023. godini, oslobađaju se troškova školarine za nastavak studija na tom ciklusu studija, a u skladu sa odredbama važećeg Statuta.

- Zaključak Upravnog odbora Univerziteta u Sarajevu, broj: 02-1-15/23 od 30.1.2023. godine kojim se daje saglasnost da fakulteti/akademije Univerziteta u Sarajevu izvrše povrat uplaćenih sredstava od strane studenata na ime troškova školarine, a koji su ostvarili pravo prelaska iz statusa redovnog samofinansirajućeg u status redovnog studenta, odnosno na oslobađanje istih od uplate troškova školarine u studijskoj 2022./2023. godini, u skladu sa donesenom Odlukom Senata Univerziteta, broj: 01-13-97/22 od 28.9.2022. godine.
- Pregled realizacije Odluke Senata broj: 01-13-97/22 od 28.9.2022. godine na dan 25.1.2023. godine a prema podacima dostavljenim sa članica Univerziteta u Sarajevu u kojoj se navodi da su 426 studenata stekli uslove za promjenu statusa iz redovnog samofinansirajućeg u redovnog te ukupan iznos školarine za koju su oslobođeni studenti u akademskoj 2022./2023. godinu iznosi 1.696.600,00 KM.

Na traženje Ministarstva za nauku, visoko obrazovanje i mlade Kantona Sarajevu, Univerzitet je dostavio podataka o broju studenata koji u akademskoj 2022./2023. godini ostvaruju pravo oslobađanja troškova školarine u skladu sa gore pomenutom odlukom Senata, broj: 0101-2031/23 od 22.2.2023. godine prema kojim podacima je **427 studenata ostvarilo ovo pravo, što ukupno iznosi 1.777.800,00KM** te da je 141 student uplatio školarinu u ukupnom iznosu od 556.200,00KM.

Također, Univerzitet u Sarajevu je postupajući po Zahtjevu Ureda za borbu protiv korupcije i upravljanje kvalitetom, dostavio i Informaciju za Vladu, putem resornog Ministarstva, broj: 01-5-51-1/23 od 23.2.2023. godine. U pomenutoj informaciji se navodi da je Ured zatražio informaciju od Univerziteta zbog zaprimljene prijave koja se odnosi na navodne nepravilnosti počinjene od strane Senata Univerziteta donošenjem Odluke koja se odnosi na oslobađanje studenata troškova školarine. Informacija Univerziteta sadrži hronologiju događaja od dana 28.9.2022. godine kada je Senat donio „spornu“ odluku do dana pisanja Informacije. Tako se, između ostalog navodi da je dana 3.2.2023. godine, Inspektorat prosvjetne inspekcije izvršio inspeksijski nadzor na Univerzitetu u Sarajevu – Stomatološkom fakultetu sa stomatološkim kliničkim centrom po prijavi na okolnosti da pomenuti fakultet protivno zakonu o visokom obrazovanju iz 2017. i 2022. godine te Odluci Senata, nije izvršio povrat školarine studentima. Također, inspeksijski nadzor je izvršen i na Univerzitetu u Sarajevu. Nakon izvršenog inspeksijskog nadzora, dana 21.2.2023. godine, Univerzitet je zaprimio Rješenje Kantonalne uprave za inspeksijske poslove, Inspektorat prosvjetne inspekcije, broj: UP-1-14-12-34-02333/23-12/05 od 17.2.2023. godine, kojim se naređuje Univerzitetu u Sarajevu da stavi van snage tačku III Odluke Senata broj: 01-13-97/22 od 28.9.2022. godine, jer je ista, kako se navodi u Rješenju, u suprotnosti sa članom 31. stav (5) Zakona o visokom obrazovanju („Službene novine Kantona Sarajevo“, broj 36/22). Postupajući po pomenutom rješenju, Senat Univerziteta u Sarajevu je 22.2.2023. godine Odlukom, broj: 01-5-3/23 izvršio datu upravnu mjeru, stavio van snage tačku III Odluke Senata broj: 01-13-97/22 od 28.9.2022. godine. Na istoj sjednici Senat je donio Zaključak, broj: 01-5-4/23 kojim je data saglasnost rektoru da u ostavljenom roku izjavi žalbu na pomenuto rješenje Inspektorata prosvjete inspekcije. Pored toga, na istoj sjednici, na prijedlog predsjednika Udruženja – Studentski parlament Univerziteta u Sarajevu, Senat je donio Zaključak, broj: 01-5-5/23 kojim se odobrava produženje roka za uplatu druge rate školarine za ljetni semestar na fakultetima/akademijama Univerziteta u Sarajevu za studente koji su ostvarili prosjek ocjena najmanje 8,0 u akademskoj 2021./2022. godini te prvi put upisali višu studijsku godinu u akademskoj 2022./2023. godini prema propisima koji su bili na snazi na dan početka upisa u akademsku 2022./2023. godinu, za 30 dana počevši od 27.2.2023. godine, odnosno do početka ljetnog semestra u skladu sa Akademskim kalendarom Univerziteta u Sarajevu za 2022./2023. godinu. S tim u vezi,



prorektorica za nastavu i studentska pitanja donijela je Instrukciju o načinu provođenja pomenutog zaključka, broj: 0101-2071-1/23, a koja je prosljeđena članicama Univerziteta.

Postupajući po gore pomenutom zaključku Skupštine Kantona Sarajevo, a nakon analize relevantnih propisa kojima se definišu kriteriji za oslobađanje troškova školarine studenata na Univerzitetu u Sarajevu, utvrđeno je da je članom 31. stav (5) Zakona o visokom obrazovanju („Službene novine Kantona Sarajevo“, broj 36/22) propisano: „Student koji plaća školarinu i prvi put je upisan u tekuću godinu i koji je položio sve ispite iz tekuće školske godine i prema postignutom prosjeku iz prethodne studijske godine spada u 20% studenata sa najvišim prosjekom, oslobođen je plaćanja školarine za nastavak studija na tom ciklusu.“

Prijedlog Zakona o visokom obrazovanju je bio na dnevnom redu 54. sjednice Skupštine Kantona Sarajevo održane dana 27.7.2022. godine, ali je ista prekinuta i prijedlog je usvojen na drugom nastavku sjednice Skupštine koja se održala dana 30.8.2022. godine. U tom trenutku propuštena je prilika za ulaganje amandmana Vlade Kantona Sarajevo kojim bi se pojedine odredbe iz zakona koje se odnose na upis studenata u akademsku 2022./2023. godinu izuzele na način da će se primjenjivati od akademske 2023./2024. godine.

Zakon o visokom obrazovanju donesen 30.8.2022. godine je stupio na snagu 16.9.2023. godine, a prema akademskom kalendaru Univerziteta u Sarajevu za akademsku 2021./2022. godinu upis u više studijske godine, ovjera ljetnog i upis zimskog semestra planiran u periodu od 12.9. do 30.9.2022. godine.

Uzimajući u obzir datum početka upisa studenata da se zaključiti da je isti započeo prije stupanja na snagu Zakona, odnosno u vrijeme važenja Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21) kojim je u članu 164. propisano da student koji plaća školarinu u određenoj studijskoj godini i položi sve ispite iz te godine i postigne prosječnu ocjenu najmanje osam može dobiti javno finansirano mjesto za nastavak studija na tom ciklusu, što se preciznije uređuje statutom.

U skladu sa navedenom odredbom Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), Univerzitet u Sarajevu je u članu 165. Statuta Univerziteta u Sarajevu, broj: 01-1093-3-1/18 od 28.11.2018. godine propisao proceduru oslobađanja plaćanja školarine.

Također, u članu 56. Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), a koji je bio na snazi u vrijeme početka upisa studenata u narednu studijsku godinu, propisano je da se detaljnija organizacija i trajanje studija, postupak ispitivanja i ocjenjivanja, uslovi i postupak provođenja završnog rada, isprave o studijima i druga relevantna pitanja utvrđuju za svaki ciklus studija pravilima studiranja koja donosi senat, te da je visokoškolska ustanova/organizaciona jedinica obavezna, prije upisa studenata u studijsku godinu, na javan i transparentan način, objavom na oglasnoj ploči i svojoj internet stranici, upoznati studente sa pravilima studiranja, koja se tokom studijske godine ne mogu mijenjati.

U skladu sa navedenom zakonskom odredbom članom 17. Pravila studiranja za prvi, drugi ciklus studija, integrirani, stručni i specijalistički studij na Univerzitetu u Sarajevu iz 2018. godine propisano da student koji plaća školarinu u određenoj studijskoj godini i položi sve ispite iz te godine i postigne prosječnu ocjenu najmanje 8,00, može dobiti javno finansirano mjesto za nastavak studija na tom ciklusu.

S obzirom da se radi o kompleksnom i obimnom zadatku usklađivanja organizacije visokoškolskih ustanova, statuta i općih akata, u članu 173. Zakona o visokom obrazovanju („Službene novine Kantona Sarajevo“, broj 36/22) dat je rok za ovo usklađivanje i to šest mjeseci od dana stupanja na snagu ovog zakona. Uzimajući u obzir činjenicu da je Zakon stupio na snagu 16.9.2022. godine, rok za donošenje navedenih akata je još uvijek u toku i nije bilo moguće u vrijeme dok traje upis studenata (16.9. do 30.9.2022. godine) izvršiti usklađivanje statuta, pravila studiranja i drugih općih akata sa Zakonom kojim bi se reglislalo i statusna pitanja studenata.


Cijeneći Zaključak Skupštine Kantona Sarajevo kojim je naloženo oslobađanje od plaćanja školarine za studente koji su postigli odgovarajući propisani uspjeh proizilazi obaveza oslobađanja troškova



školarine studenata koji plaćaju školarinu, a kako je bilo regulisano članom 164. Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21) kada je započeo upis studenata u više studijske godine.

Međutim, u članu 31. stav (7) propisano je da Skupština može na prijedlog Vlade svojim zaključkom, a najkasnije 30 dana prije početka upisa u novu školsku godinu, utvrditi dodatne kriterije i uslove za oslobađanje od plaćanja školarine ili gubitak statusa studenta oslobođenog od plaćanja školarine za studente prvog i drugog ciklusa studija, te integrisanog studija prvog i drugog ciklusa studija koji se realizuju u okviru javne visokoškolske, a što se ovome slučaju ne može primijeniti.

MINISTRICA



Dostaviti:

- Naslovu;
- a/a.

Pripremila: Azra Ivazović

